

Universitätsbibliothek Paderborn

Thesavrvs Sacrорvm Ritvvm, Sev Commentaria In Rvbricas Missalis Et Breviarii Romani

In quibus origo cuiusque Ritus, Causæ historicæ, vel mysticæ, ex maiorum ingenio, Theoria, Praxis, Obligatio, & exquisitus Vsus, additis opportunè Decretis omnibus S. Rituum Congregationis, quàm breuissimiè explicantur

Gavanti, Bartolommeo

Antverpiæ, 1646

De Octaua. VIII.

urn:nbn:de:hbz:466:1-40233

28 Comment. in Rubr. Breuiarij. Sect. III. Cap. VIII.

quod patet in Vigilia Nativitatis Domini, cùm occurrit in Dominica.

4 Vigilia occurrens in Ferijs maioribus omittitur in Officio, ita vt nec de ea commemoratione fiat: quia Feriæ maiores sunt Feriæ Domini, & Vigiliae sunt Feriæ seruorum Domini, quæ vti minores cedere debent, cùm de vtrisque non possit Officium fieri, neque pro commemoratione alterius legi Homilia congruenter post Homiliam alterius in Officio trium Lectiōnum; quæ eo casu sunt, vel de Scriptura ordinaria, vt in Aduentu; vel de Homilia, vt in Quadragesima.

5 Officio Vigiliae, quod totum erat de Feria, addidit Pius V. Homiliam in Euangelium quod in Missa legebatur, *Azor.lib.10.cap.16.quest.5.*

6 De partibus Officij Vigiliae dicimus infra, & terminatur ad Nonam.

De Octaua. C A P . ' V I I I .

I **C**H R I S T O Domino constitutæ sunt Octauæ quinque, Nativitatis, Epiphaniæ, Paschatis, Ascensionis, & Corporis Christi; Spiritui sancto, Pentecostes; beatae Virginis duæ, Nativitatis, & Assumptionis; Nativitati S. Ioannis Baptista, Martyrio SS. Apostolorum Petri & Pauli, Festo Omnitum Sanctorum, sanctis Stephano, Ioanni Euangeliæ, Innocentibus, & Laurentio, Dedicationi propriæ Ecclesiæ, Patrono principali loci, & Titulari, in eorum principali Festo. De quarum origine vide quæ scripsimus in *Præfatione ad Octauarium Romanum*, vbi & causas explicauimus Octauarum. De Patrono loci Microl. subobscure tradit *cap.43.* quare non excedunt numerum septendecim. Consueuerunt cum Octauis

solemniter celebrari Festa Sanctorum apud quasdam Ecclesias, Congregationes & Religiones, qua in Rubr. de Octauis num. 1. non abrogantur; sed post editum à Pio V. Breuiarij nulla potest induci Octaua ultra prædictas, sine Sedis Apostolicæ auctoritate. Ex quo qui addidit recentior, fieri Festum cum Octaua tum Canonizationis tum Beatificationis Sanctorum, aperte fallitur, si loquatur, præclusa licentia sanctæ Sedis Apostolicæ.

2 Inter has Octauas est differentia, quæ renocari potest ad quatuor gradus. In primo gradu sunt Octauæ Paschatis & Pentecostes, in quibus non fit de Festo aliquo, nec etiam de Patrone loci, Titulove, seu Dedicatione Ecclesiæ. In secundo gradu Octaua Epiphaniæ admittit tantum Festum de Patrone, vel Titulari Ecclesiæ, & Dedicationis propriæ Ecclesiæ; non tamen in die Octaua, in qua celebratur Baptismus Christi; & dicitur à Durand. lib. 6. cap. 17. Octaua suppletionis, quia eo die supplemus, quod in Festo Epiphaniæ recolimus minus aperte, id est Baptismum Christi, cui cedere debet Patroni Festum, vt serui Domino. In tertio gradu Octaua Corporis Christi admittit tantum Festa Duplicia, non tamen translata, vt decretum est in recognitione postrema Breuiarij; nisi translata sint altioris ordinis, vt de Festo S. Ioannis Baptista dicimus. Non admittit Semiduplicia, ex Decretō Ioannis XXII. quod habetur in Breuiarij. M. S. Biblioth. S. Isidori de Urbe. In quarto gradu Octauæ reliquæ Nativitatis Domini, Ascensionis, & aliorum Sanctorum admittunt quæcumque Festa, etiam Semiduplicia. Neque mireris, quod in Octaua Nativitatis

Natiuitatis admittantur Semiduplicia, quia schola Natiuitatis Christi est officina humilitatis, ex S. Augustino; Ascensionis item, respectu Ecclesiae militantis, est Octaua mixta mero-re, ob discessum Christi.

3 Rubrica de Octauis num. 3. ad-dit, etiam translata. quod verbum ve-rificatur in Duplicibus, quia verè cele-brantur quocumque die infra dictas Octauas; at in Semiduplicibus non videtur verificari: nam Festum Sancti Leonis 28. Junij, si occurrit in Dominica, transfertur post Octauam Apostolorum, vt dicitur in propria Rubrica; ergo idem fieri de alijs Semiduplicibus. Verum Rubrica satis verificatur in duobus casibus; Primò, quando Semiduplex occurrit in Do-minica; Secundò, quando in Festo Ascensionis Domini: in quibus casibus transfertur Semiduplex in diem proximè sequentem, si non est impe-dita; & sic infra Octauam fit de Se-miduplici translato. In Ecclesijs par-ticularibus contingit saepius Semidu-plex occurrere in Festo maiori, quod habet Octauam; & de eo fit in secun-da die infra Octauam. Rubrica verò hæc non loquitur de Semiduplicibus occurribus ante Octauam, quæ sine dubio transferri debent post Octauam; sed de occurribus in Festo, seu in Dominica infra Octauam, & de translatione in diem proximè se-quentem, non impeditum alio Festo. Hæc dixi iuxta sensum Rubricæ anti-quam: sed hodie cessat secundus casus de Festo Ascensionis, seu maiore ha-bente Octauam, in recognitione po-strema Breuiarij. Vide infra cap. 10. num. 4.

4 Adhuc accidit alia differentia in-ter Octauas trium graduum poste-

riorum, quod occurrente Festo in ijsdem admisso, vt supra, semper tam-en de Octaua Epiphaniæ, Corporis Christi & Natiuitatis eiusdè fit com-memoratio, ob earumdem dignita-tem. Infra alias Octauas, Ascensio-nis, & aliorum Festorum, occurribus Festis maioribus, accidit, vt neque de ijs Octauis fiat commemoratio, vt dicetur, cum de Commemorationi-bus: fortasse, quia tria illa Festa nostra sunt; Festum verò Ascensionis Ange-lorum potius quam nostrum. Aliorū denique Sanctorum, quia sunt Festa non æqualia tribus primis, idè quoque nulla fit commemoratio.

5 Omnes dies Octauæ pro vna fe-stiuitate computantur, ait Radulph. Propos. 25. qui etiam Propos. 19. ap-pellat Octauam prorogationem Festi, ex quo sequitur, quod cō nobilior est Octaua, quod minus interrupta est à Festis aliorum.

6 At vndenari major Octauæ di-gnitas attendi debet, præsertim si dua occurrant simul celebrandæ? Certe penes classem Festorum; nam prima classis dignior est secunda: in eadem verò classe attende personas hoc ordi-ne, Christum, B. Virginem, Angelos, S. Ioannem Baptistam, Apostolos, & alios, iuxta ordinem Litaniarum, & Rubricam de Concurrentia Officij n. 2. & ceteris patibus dignior est ea Octaua quam celebrat vniuersalis Ecclesia.

7 Dubitari potest de Dedicacionis Octaua, an sit major quam Octaua Patroni loci, seu Tituli Ecclesiae. S. Thom. lect. 5. in cap. 10. 10. docet, maius esse Festum Dedicacionis Ec-clesiae quam alicuius Sancti; quia in illo recoluntur beneficia toti Ecclesiae collata, quæ superant beneficia cuius-Sancto donata, quæ in eiusdem Festo

D 3 cele-

30 Comment. in Rubr. Breuiarij. Sect. III. Cap. VIII.

celebrantur: ergo erit Octaua Dedicationis Ecclesiæ dignior quam Octaua Patroni loci: & eadem ratione dignior erit Octaua Assumptionis beatæ Virginis quam Octaua Dedicationis, quia maiora beneficia contulit Deus vni Deiparae in eius Assumptione, quam contulerit toti militanti Ecclesiæ; cùm præsertim Theologi doceant, collectiū in Deipara Virgine esse omnia gratiæ & gloriæ dona, quæ Angelis & hominibus singillatim distributa fuerunt. Confirmatur hæc doctrina ex Rubr. Breuiarij tit. *de Duplice num.* 1. vbi prius recensetur Dedicatio propriæ Ecclesiæ quam Patronus loci, seu Titularis Ecclesiæ; & tit. *de Octauis* nu. 1. vbi prius nominatur Dedicationis Octaua quam principalis Patroni, veluti dignior & nobilior, ceteris paribus. Et in fine Breuiarij additæ sunt Lectio[n]es propriæ pro tota Octaua Dedicationis, non item pro alijs omnibus Patronis locorum, quibus postremo prouisum est cum Octauario Romano à nobis edito, & à sacra Rituum Congregatione approbato.

8 In postrema recognitione Breuiarij actum est de excludendis Octauis ab Aduetu, sicuti à Quadragesima; sed illud saltem congruere vñsum est, eas excludi à die 17. Decembris usque ad Epiphaniam: & ante Natiuitatem quidem ea ratione, quam numero sequenti dicemus; post Natiuitatem vero, quia dies omnes & singuli proprium Officium habent nullo modo omittendum. Fieri vero de Octaua, quæ non habetur in Breuiario, per solam commemorationem, vñsum est modicum quid; quod congruentius omitti potest in gratiam infantiae Christi, & Octaurum non sine mysterio comitantium Natiuitatem Christi, ex S. Bern.

9 Accidit etiam, inchoatas non compleri Octauas Festorum de Sanctis, & præsertim in tribus casibus. Primus est, quando aduenit dies 17. Decembris, in qua ponuntur Antiphonæ propriae; quod in postrema Breuiarij recognitione meritò decreatum est, ne omittantur quotannis Antiphonæ præuilegiatae, quas recitabant antiqui in Festis occurrentibus, additis ideo Laudibus ferialibus. Quare, si occurrat dies Octaua Festi habentis Octauam in die 17. Decembris, in pridianis Vesperis nihil fiat, neque commemoratio de Octaua, cùm in sequenti die nihil item sit de ea faciendum: nam argumento à simili mox infra num. 13. probabimus, non conuenire, vt habeat in primis Vesperis aliquid illud Festum, seu Officium illud, quod nihil omnino debet habere in Laudibus & Vesperis secundis. Alter casus est, quando aduenit Feria quarta Cinerum, pridie cuius eodem modo, quo nunc dictum est, abrumpenda est Octaua Festi habentis Octauam. Tertiarius est, adueniente Vigilia Pentecostes, quæ loco citato eiusdem est præuilegium ad Octauas mutilandas cum prædictis Ferijs. Certè ante Microl. c. 48. non celerabantur Festa in Quadragesima, & hodie paucissima; ergo conuenit, vt abstineamus in Quadragesima à prorogatione Festorum, hoc est Octaua. Natalis Domini, sicuti Pascha, debet habere quasi Octauam ante & post, licet non æqualem: & conuenit etiam in Vigilia Pentecostes cessare Octauam, quæ omne Festum, etiam Patroni, excludit.

10 Dierum infra Octauam Officium est Semiduplex, exceptis primis duobus post Pascha & Pentecosten; quorum Officium Duplex est. Dicí vero

verò Octauæ duo sunt priuilegia: alteram est, quod numquam transferatur; alterum est, quod Duplici ritu celebratur; quia est repetitio Festi. quod à Radulph. Propos. 19, in maioribus Octauis significatur. Microl. cap. 41. scribit, quod diei infra Octauam minorem, id est Sanctorum, Officium erat feriale trium lectionum. & c. 44, quod neque mentio per medios dies agebatur, quia extremi tantum dies colebantur: nihilominus hodiernum ritu in Breuiarijs M.S. ante annos 300. ego reperi, licet Radulphus Propos. 19. eiusdem ætatis dicat eadem quæ Micrologus. Per idem (puto) tempus mutatus fuit ritus in hodiernum, ut esset communis omnibus Octauis.

11 Festum habens Octauam si transferatur post octo dies à die Festi, non celebratur eo anno cum Octaua. Non enim numeratur Octaua à Festo, sed à die quo ille Sanctus obiit, vel obiisse creditur, cui fit Festum, nisi aliud ex priuilegio concedatur, de Translatione Fest. num. 1.

12 Dies Octaua, quia non transfertur, excludit, & transferri facit Festum Duplex in ea occurrentis per annum, siue sit maius siue minus, vt dicitur de Translatione Festorum num. 2. & in Tabella de Occurrentia, in qua Duplex per annum comprehendit maius & minus: qua de re dubitarunt aliqui, eò quia, inquit, in concursu Duplicis maioris cum die Octaua, illud habet integras Vespertas; sed est ratio dispar in cursu, quæ communis est Duplici maiori & minori per annum, ne scilicet omittatur Officium diei Octauæ in proprio die. cedit autem solemnibus Festis primæ & secundæ classis, ita ut de die Octaua non nisi fiat commemoratio; vti quant-

do in die Octaua Corporis Christi occurrit Festum S. Ioannis Baptiste: de quo fit Officium cum commemoratione Octauæ, ex Decreto Ioannis XXII. suprà citato, in quo meminit non modò Festi sancti Ioannis, sed etiam alterius Festi ex maioribus.

Excipe Octauam diem Nativitatis, quæ est secundæ classis, & Epiphaniæ, quæ est priuilegiata, vt diximus, ob Baptismum Christi. haec namque excludunt alia Festa. Cedit item dies Octaua Dominicis quæ excludunt Festa Duplicia per annum, puta Septuagesimæ, Sexagesimæ, & similibus, vt dicitur de Translatione Festorum numero 1. in quibus fit tantum commemoratione de die Octaua.

13 Sed quid agendum erit in primis Vesperris communib[us] diei Octauæ, & Dominicæ priuilegiata? Recitatib[us] Vespertas cum Psalmis Sabbati, à Capitulo de Dominicæ priuilegiata, & in fine addes commemorationem diei Octauæ, vt in primis Vesperris Festi. ita decreuit, me petente, sacra Rituum Congregatio die 9. Novembris 1622. & ratio desumitur à simili, ex Rubr. de Concurrentia num. 10. vbi, cùm ageretur de Simplici Festo occurrente in Feria quarta Cinerum, in qua de Festo fit tantum commemoratione, eadem tantum commemoratione Festi discernitur in primis eiusdem Vesperris: *Quia*, inquit, cùm in sequenti die Festum non habeat Officium, nec etiam conuenit habere primas Vespertas in precedenti die. Voluisse alij, primas Vespertas diei Octauæ integras ritu Duplici recitari: sed absurdum visum est inchoare cum omni solemnitate diem Octauam, quæ sequenti die Officium non habet. Alij, dimidiatas Vespertas usque ad Capitulum ritu Semiduplici.

32 Comment.in Rubr.Breuiarij. Sect. III. Cap. VIII.

plici de Octaua, Capitulum deinde de Dominica; at hoc modo non erant primæ Vesperæ de die Octaua, ut patet, cum ita Semiduplici; neque erant secundæ Vesperæ de die infra Octauam, quæ terminatur in Nona Sabbati. Et in Psalmo quinto erat difficultas, an dicendus ille, qui in primis aut in secundis Vesperis Festi: & pro commemoratione diei Octauæ Antiphona ad *Magnificat*, ut in primis Vesperis Festi, incongruè dicebatur, ratione diei infra Octauam. Malebilent alij, abrumpi Octauam in Sabbato ad Vesperras, & nihil de ea fieri amplius, ut suprà diximus num. 8. sed visa est ratio longè dispar in Dominicis priuilegiatis extra Quadragesimam, Natalitium tempus, & Pentecostes. Quare sola commemoratione contéti de die Octaua, tam in primis eiusdem Vesperis quam in Laudibus & secundis Vesperis, omisssisq; precibus ad Primam & Completorium, & Suffragijs communib; decreuerunt Eminentissimi Pates & sapientissimi, ut prædictimus, nempe in gratiam diei Octauæ, & Dominicæ occurritis priuilegiatae: quibus & obsequendum erit.

14 In secundis etiam Vesperis diei Octauæ occurrit in Dominica priuilegiata, eadem Dominica conseruat sedem sibi acquisitam, ita ut de die Octaua fiat tantum commemoratione, ut in secundis Vesperis Festi. Quod si Dominica ipsa concurrat cum sequenti Festo duplice, adhuc commemoratione diei Octauæ post Dominicæ commemorationem fiet; non autem, si concurrat cum Semiduplici: quia tunc Vesperæ erunt de Dominica cum commemoratione diei Octauæ, ut in secundis Vesperis Festi; & deinde Semiduplicis, ut in primis eiusdem Vespe-

ris: quia in pari gradu commemorationis nobilior est diei Octauæ quam Festi Semiduplicis commemoratione.

15 Ceterum ordinariè dies Octaua si concurrat cum alia die Octaua, à Capitulo fit de sequenti cum commemoratione præcedentis, excepta Octaua Corporis Christi concurrente cum Octaua sancti Ioannis Baptiste, de qua fit tantum commemoratione; & quando in Breuiario aliter notatur, ut in Octauis SS. Stephani & Ioannis Evangeliste, &c. in Rubric. de Concurrentia Officii num. 7.

16 Dies eadem Octaua si concurrat cum sequenti Duplice minori etiam translato, à Capitulo fit de sequenti cum commemoratione Octauæ; si cum maiori, fit totum de sequenti, commemoratione de præcedenti, ut in die Octaua S. Ioannis Baptiste. Excipe dies Octauæ Epiphaniae, Paschæ, Ascensionis, & Corporis Christi, in quibus, ob earum dignitatem, secundæ Vesperæ, etiam in concursu cum Duplice maiori per annum, & multò magis primæ Vesperæ Octauarum Ascensionis & Corporis Christi, ut in postrema Breuiarij recognitione decretum est, debent esse integræ. Et quidem de secundis Vesperis Octauæ Corporis Christi est lex conuenientissima, noua tamen post Ioannem XXII. qui in Decreto suprà citato iussérat fieri à Capitulo de sequenti: eadem autem est ratio in Octaua Ascensionis.

17 Si concurrat cum Festo primæ classis, in huius primis Vesperis nulla fit de die Octaua commemoratione, ut declaratum est in postrema recognitione de Commemorat. tit. 9. num. 4. Si vero concurrat cum Festo secundæ classis, etiam translato, ut est Annuntiatio beatæ Virginis, vel sancti Marci Festum

Festum post Dominicam in Albis; totum Officium erit de sequenti cum commemoratione praecedentis diei Octauæ, ut aperte dicitur *de Concurr. num. 7.* & est Rubrica generalis modò in postrema recognitione Breuiarij, additis verbis ijs, *in secundo ordine*; ut virique ordini Festorum sit prouisum.

18 Accidit alias concursus Festi Duplicis vel Semiduplicis cum die infra Octauam: & Duplex quidem totum habet Vesperarum Officium cum commemoratione diei infra Octauam; Semiduplex autem regulariter usque ad Capitulum, quod erit de die infra Octauam, *in Rubrica de Concurr. num. 34.* sed fallit illud primum de Duplici in duabus casibus, hoc est, quando Duplex est primæ classis, quia tunc nulla fit de sequenti die infra Octauam commemorationis; & quando Duplex est secundæ classis, sed in die sequenti non fit Officium de die infra Octauam: tunc enim in secundis Vesperis Festi Duplicis nulla fit commemorationis diei sequentis infra Octauam. Alterum item de Semiduplici fallit in secundis Vesperis SS. Ioannis & Pauli, quæ sunt integræ cum commemoratione tantum die infra Octauam S. Ioannis, ita *in Rubric de Concurr. num. 3. & 4.* causam dabimus in Proprio de Tempore.

19 Dies etiam infra Octauam cedit Dominicæ praecedenti, in cuius secundis Vesperis non nisi fit commemorationis de die sequenti infra Octauam, *loco citato num. 5.*

20 Eadem dies infra Octauam cedit Festo Duplici, in cuius secundis Vesperis sola gaudet commemoratione; quæ etiam deperditur, si Duplex sequens sit primæ vel secundæ classis, *ibidem num. 4.*

21 Non cedit sequenti Dominicæ, vel Semiduplici, nisi usque ad Capitulum, quod erit de Dominicæ, vel de Semiduplici; multoque minus cedit Simplici, de quo fit tantum commemorationis in secundis Vesperis diei infra Octauam, *ibidem num. 6.*

22 Quæres: An detur casus, quo dies Octaua, quæ est Duplex, cedat in concursu Festo Semiduplici. Respondeo, Posito Decreto sacræ Congregationis, de quo supra num. 13. sequitur aperte, quod si occurrat Festum Semiduplex in Sabbato ante Dominicam priuilegiatam, quæ est simul dies Octaua Festi habentis Octauam; eo casu in Vesperis Sabbati, Antiphonæ & Psalmi erunt de Festo Semiduplici, Capitulum de Dominicæ priuilegiata, commemorationis primum de Semiduplici, quod habet dimidium Vesperarum, & deinde diei Octauæ, quæ in toto die sequenti Dominico nihil habet nisi meram commemorationem.

23 Volunt aliqui diem Octauam principalis Patroni loci posse dici Festum Duplex maius per annum, eo fine, ut habeat integras Vespertas; sed defendi non potest, tum quia *de Concurr. Officij num. 7.* expresse iubetur, Vespertas diuidi in concursu diei Octauæ cum Duplici Feste; tum quia dies Octaua Omnim Sanctorum non habet secundas Vespertas integras; tum quia est priuilegium Octuarum Christi Domini; tum quia Rubricæ sensus *in loco citato num. 7.* est de die Octaua Patroni, seu Tituli Ecclesiæ, quibus extra Breuiarium conceditur Octaua. Neque dicas, in Octaua sancti Ioannis Evangelistæ secundæ Vespertæ sunt integræ de eodem; quia singularis est casus in concursu cum Octaua Innocentum longè inferioris ordinis.

E Optaf-

34 Comm. in Rubr. Breuiarij.

Optasse & ego cum alijs , diem Octauam Festi B. Virginis habentis Octauam , esse Duplex maius , sicuti sunt eiusdem minora Festa per annum: at eadem ferè ratio militaret in Angelis & Apostolis, ut patet. Rubrica vero non distinguit inter diem Octauam,& diem Octauam, nisi in Festis Domini: vnde neque nos distinguere debemus, vrgerque rursus exemplum diei Octauae Omnia Sanctorum , quod est præcipue B. Virginis , ex Martyrologio, & non habet integras Vesperas. Octaua quoque S. Ioannis Euangeliæ minùs vrget , quæ in Rubricis excepta fuit , *de Concurrentia Officij num. 7. ijs verbis : Et quando aliter in proprijs locis notatur :* nulla igitur alia dies Octaua Sanctorum est Duplex maius . .

24 Denique dies Octaua Corporis Christi licet sit dignissima, si tamen ea die occurrat Festu Nativitatis S. Ioannis , vel Apostolorum Petri & Pauli , sola gaudet commemoratione, ob singularia merita sanctorum Principum Ecclesiæ Christianæ toto orbe venerandorum ; & eadem ratione fit Officium de Patrono loci , si occurrat in dicta die Octauæ Corporis Christi , cum eiusdem commemoratione tantum , quia est primæ classis in loco ubi est Patronus: idem dico de Titulo Ecclesiæ ; & multò magis affirmarem de Dedicatione Ecclesiæ , si in eam diem Octauam incideret, ob rationem à fortiori sumptuosa à sancto Thoma, de qua suprà hoc cap. num. 7. Festa vero secundæ classis cedere debent prædictæ diei Octauæ ; sicut à tota Octaua arcentur Semiduplicia Festa . & de facto cedit commemorationi sancti Pauli extra propriam Ecclesiam, ut in propria Rubrica dicitur ; quamquam non est pro-

Sect. III. Cap. VIII. & IX.

priè secundæ classis, vt ibi dicemus.

25 De Lectionibus infra Octauas infra agemus ; de Precibus , Suffragijs , in proprijs Titulis & Capitibus, Sectione quinta.

De Concurrentia Officij.

C A P. I X.

I **D** Antur in Officio diuino Concurrentia & Occurrentia, quæ habent pro diuersa ratione proprias leges. Nam Concurrentia est duorum pridie & postridie celebrandorum , & attenditur ordinariè in secundis Vesperis vnius , & in primis alterius Festi; Occurrentia vero est duorum in codem die.

2 Sequar autem ordinem Titularum præcedentium Capitum ; & primò de Duplici : nam Festum Duplex concurrere potest cum alio Duplici, vel die Octaua Festi habentis Octauam. si ergo sunt æqualia, regulariter à Capitulo fit de sequenti cum commemoratione præcedentis. Dixi, si sint aquælia; quia si Duplex maius sit, totum fit de Duplici cum commemoratione diei Octauæ, vt in secundis Vesperis Exaltationis S. Crucis. Dixi regulariter, quia in tribus Festis Nativitatis Domini fallit hæc regula , vt eo loco patet . est autem diuisio Vesperarum à Capitulo in partes ferè æquales. Si sunt inæqualia, illud Festum, quod maius est , habet integras Vesperas cum commemoratione minoris, quando & hæc fieri debeat, vt dicemus ex Microl. c. 35. Quod enim magis vel minùs Festum habet de Vesperis , & præsertim de primis Vesperis, quæ ex Amalario sunt nobiliores secundis , eò etiam sollempne magis & minùs est Festum.

3 Inæqualitas attenditur ex hoc ordine: